


滿洲名臣傳

十六上



庫文閣內	
三八函	二二〇五
一四架	一六〇冊
架	冊
類	號

庫文閣內	
二九〇	二
內閣文庫	
番號	漢 2305
冊數	160 (31)
函號	290 43



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM Kodak



張文衡

滿洲名臣傳卷十六

張文衡

劉光弼

錫圖庫

馬如璧

張文衡

褚庫

哈哈納

哈占

素丹

都爾瑪

伊桑阿

范承謨

陳啓泰

瑚什布

丁文盛

段應舉

傅拉塔

阿蘭泰

張文衡列傳

張文衡遼東開平衛人初為明諸生天聰八

年

太宗文皇帝親統大兵由宣化府入明張文衡自大同走謁言在明為代王府叅謀見明國諸臣結黨貪財專意罔土嚴刑厚歛民不堪命臣審時度勢知天命有歸成大事者必在

聖主故徒步來歸又疏陳進取之策以收服人心為本

上嘉納之授秘書院副理事官

賜田宅銀幣以大臣雅希禪女妻之隸廂黃

旂漢軍

世祖章皇帝順治元年七月授山東青州府知府甫之任總兵柯永盛率青州駐防兵征高密招撫侍郎王鰲永至青州籌備軍餉流賊李自成裨將趙應元由長山縣結土賊數千掠民馬數百矚青州兵少佯就鰲永招撫請置其家屬於城中而自率眾助征高密既入城以乏餉鼓噪執鰲永殺之文衡分遣官吏告急於永盛及登萊巡撫陳錦自往見應

元許以保奏留鎮青州卽草疏佯詆鰲永激
變謂應元殺鰲永由部眾所徧願立功自効
遣人賫奏應元信悅攫庫金與羣賊縱飲會
自京出征登萊之副都統和託李率泰統師
至駐營於城之西北文衡誘應元至軍營通
款和託等慰勞遣還密令我兵隨文衡入城
分布防守乘夜擒斬應元及其黨數十人徧
諭脇從者弗罪賊遂平二年調淮南府知府
時豫親王多鐸統師征揚州過淮安文衡請

禁兵卒入城市俾居民安堵軍糧戰艦及芻
秣皆應期立辦三年總督洪承疇奏擢徽寧
道淮安士民籲留漕運總督王文奎疏
聞不允時徽州土賊汪張飛劉祥等猖獗蔓
延文衡助諸將勦平之四年四月擢江南按
察使八月授甘肅巡撫五年二月至蘭州受
事三月陝西總督孟喬芳調蘭州鎮兵征四
川逆回米喇印丁國棟旣降復叛窺鎮兵懼
於遠征陰結中軍叅將蔣國泰等詭言會議

遼文衡至米喇印家文衡將至賊集矢射之
遂遇害時年四十有七總兵劉良臣西寧巡
道林維造守道張鵬翼副將毛鑛潘雲騰遊
擊黃得成都司王之儁守備胡大年等皆同
時殉節事

聞並

賜卹有差文衡贈都察院右副都御史廕一
子入監康熙二十一年入祀開平衛鄉賢祠
雍正十二年入祀昭忠祠

劉光弼列傳

劉光弼遼陽人初冒姓曹後復姓劉隸廂藍
旂漢軍

從
太宗文皇帝天聰五年任耀州城守尉率兵

上征明圍大浚河城攻克進城三台城內兵
突出光弼先眾馳擊斬一人我兵有陷陣者
力援出之明監軍道張春總兵吳襄等由錦
州來犯光弼衝入敵陣斬其裨將崇德五年

任叅領隨大軍圍明錦州同侍衛李國翰等
攻克呂洪山諸臺屢擊敗松山杏山馬步兵
敵以兵據山口阻我師光弼同國翰率兵奮
戰敵皆敗遁錦州既下復以炮攻克塔山杏
山兩城及附近台堡敍功予騎都尉世職七
年六月擢廂藍旗漢軍副都統八年同都統
劉之源赴錦州督鑄紅衣炮尋隨鄭親王濟
爾哈朗征明寧遠取前屯衛中後所二城敍
功加雲騎尉世職

世祖章皇帝順治元年隨大軍入山海關擊
敗流賊李自成旋同都統葉臣等征山西攻
克太原城三年隨端重親王博洛征浙江拔
金華進定福建乃還京五年授禮部侍郎尋
隨征南大將軍譚泰討江西叛鎮金聲桓復
南昌府譚泰奏以光弼署江西提督事六年
平廣昌縣山賊招降偽官三十餘員旋得
旨特授提督時山賊張自盛洪國玉等踞湖
東劫掠光弼率叅將陳陞等往勦斬獲無算

清史稿卷一百一十五
偽總兵董明魁郭承珉等率眾降七年八年
三遇

恩詔晉世職至一等輕車都尉十三年
詔獎力捍岩疆著有勞績諸臣

賜鞍馬弓矢等物以示優異光弼預焉十六
年以老病致仕康熙十二年卒
予祭葬如例子顯祿襲職

錫圖庫列傳

錫圖庫滿洲正白旗人姓烏扎拉先世居烏

拉部兄福蘭當

太祖高皇帝時率屬來歸予騎都尉世職尋
卒錫圖庫襲其職任佐領兼前鋒叅領

太宗文皇帝天聰四年大軍旣取明永平錫
圖庫同叅領圖魯什等率兵循徼敵境擒哨
卒二人獲馬十有七五年七月奉

命偵敵大凌河生擒二人還

上統師往征圍大凌河城擊敗錦州援兵錫
圖庫皆在事有功六年隨大軍征明于宣府

大同邊外分兵畧地多所俘獲八年同諸將畧蒙古錫爾哈錫伯圖地斬七十餘級獲戶口百餘及馬駝牛而還得分

賜所獲是年敘功晉世職爲一等輕車都尉九年同前鋒統領勞薩等入明邊克長城畧代州朔州斬獲甚眾崇德元年八月睿親王多爾袞征明寧遠錫圖庫率二十人前行至中後所及山海關東偵敵屢擒哨卒並獲其馬又於前屯衛設伏擊敗敵兵初喀木尼堪

部葉類等來歸居多博科地至是葉類倡叛率所屬挈妻孥偕遁盜科尔沁諸部馬匹有追捕者輒爲所害十二月錫圖庫奉

命率前鋒護軍入人往會寧古塔副都統烏巴海督兵躡追數旬圍之溫鐸招降不從葉類潛遁我兵盡殺其党九十四人俘婦女八十餘獲馬五十有六追及葉類於山中射殪之二年五月凱旋

上遣大臣出迎五里宴勞叙功晉爵一等男

五年七月

命同護軍統領濟什哈率所部兵並征外藩
敖漢奈曼烏喇特諸部兵征索倫部敗敵眾
於甘河擒叛酋博木博郭尔之弟布固德復
追擒博木博郭尔籍戶口千餘獲馬數百六
年正月還

賜宴於北駙館晉爵三等子五月授本旗副
都統七年隨貝勒阿巴泰征明由薊州越燕
京趨山東克克州旋師錫圖庫分率右翼兵

不與左翼期會先出邊部議革副都統任

命從寬罰銀百兩八年十一月擢前鋒統領
世祖章皇帝順治元年隨大軍討流賊李自
成擊賊將唐通於一片石入山海關屢戰皆
捷擒賊遊騎於三河縣追擊自成至安肅獲
馬百餘進征山西同都統葉臣等取太原擊
敗偽磁侯田見秀於汾州又敗賊於絳州二
年正月敘功晉二等子時自成踞陝西大軍
由潼關綏德兩路分進錫圖庫率兵趨會擊

敗延安賊眾自成遁湖廣錫圖庫移兵安陸
追至荆門殲賊無算獲船百餘三年隨肅親
王豪格征四川滅流賊張猷忠五年六月敘
功晋一等子爵湖南郡邑尙為明桂王朱由
榔所據錫圖庫隨鄭親王濟尔哈朗征之六
年正月大軍至長沙錫圖庫同左翼前鋒統
領努三先率兵渡江攻湘潭努三破北門錫
圖庫破西門遂定湘潭進克永興城斬偽摠
兵尹舉智杜貞明等獲馬七十疋四百尋偕

諸將定寶慶府進定全州偽伯焦璉等分三
路來犯錫圖庫卻之又移兵攻克永安開定
道州七年正月凱旋

賜銀三百兩八年正月內大臣烏拜等訐告
英親王阿濟格欲謀乱王大臣等集鞠錫圖
庫坐預謀應斬籍沒奏入如議爵除

馬如璧列傳

馬如璧遼陽東寧衛人隸正藍旗漢軍
太宗文皇帝崇德五年任驍騎校隨睿親王

多爾袞圍明錦州敵以千餘騎出城迎犯如
壁隨侍衛李國翰戰却之復擊敗松山步兵
及杏山騎兵尋進攻杏山松山兩路臺堡並
隨都統石廷柱等以紅衣炮破之六年隨鄭
親王濟爾哈朗圍明錦州攻克駱駝山寨敵
兵自十三站乘夜來襲我營佐領禧福率甲
士出戰如壁同叅政碩詹馳馬陷陣殺敵甚
力會明總督洪承疇等合步騎十三萬來援
錦州

上親統大軍駐營松山

指授方畧如壁隨都統巴顏石廷柱等徇塔
山路以紅衣炮攻下附近諸臺七年授佐領
隨鄭親王取塔山杏山二城八年復隨鄭親
王取中後所及前屯衛皆以紅衣炮攻城有
功

世祖章皇帝順治元年敘功予騎都尉世職
兼任叅領二年隨英親王阿濟格勦流賊李
自成於陝西追至湖廣屢戰皆捷與叅領劉

仲錦等擊走僞總兵馬進忠等於武昌獲賊船十有一六年鄭親王征湖南時明桂王朱由榔據武岡自成遺党李錦劉體純王進才皆附之分踞寶慶衡州如壁由岳州進長沙趨衡州屢擊敗賊兵復同副都統金維城破賊寨於靖州賊眾奔如壁奮力窮追遇賊伏步戰力竭歿如陣七年遇恩詔予騎都尉加一雲騎尉尋議卹晉三等輕車都尉子純德襲

世宗憲皇帝時以如壁入祀昭忠祠

瓦岱列傳

瓦岱滿洲廂黃旗人姓鈕祜祿氏額亦都之孫也父敖德

太宗文皇帝天聰八年分額亦都舊轄人戶益以新附瑚爾哈部眾授敖德世管佐領尋兼任叅領屢從征有功

世祖章皇帝順治二年敘功予騎都尉世職遇

清江名目傳 卷一六
恩詔游晉二等輕車都尉十四年卒長子謨
爾琿襲瓦岱敖德第三子也初任侍衛尋授
護軍統領

聖祖仁皇帝康熙十三年逆藩耿精忠叛應
吳三桂由福建掠江西瓦岱署護軍統領隨
安親王岳樂往討十四年三月擊賊於撫州
鍾家嶺面中創仍率兵擊退賊眾之乘夜犯
營者偽都督易明偽總兵李茂桂分路來犯
俱戰却之又敗賊眾於瑞州府北山招降東
鄉縣賊城既復移兵征建昌偽將軍邵連登
率賊數百水陸迎戰瓦岱與定南將軍希爾
根分兵列陣山下賊踞山以拒瓦岱從山左
鳴角仰攻擒斬無算連登中矢殪餘賊潰奔
截其歸路獲賊船六千餘復建昌城乘勝圍
新城縣率兵樹雲梯先登克之十五年三月
隨安親王討吳三桂逆党夏國相以萬餘眾
踞萍鄉縣之來龍山瓦岱偕諸將分道進擊
賊敗遁遂復縣城進征湖南屢敗賊眾十八

年大軍復長沙衡州寶慶並規復武岡渡紫
陽河賊營分踞渡口諸軍直前攻戰瓦岱引
兵繞出賊營後夾擊賊潰遁追斬二百餘級
擒僞都司一復連敗賊眾於雙井舖及楓木
嶺湖南郡邑相繼底定瓦岱隨安親王還京
授護軍統領敘功予雲騎尉世職二十一年
授江寧將軍二十三年
駕幸江寧

賜御用袍並銀千兩二十四年十月授廂黃

旂滿洲都統以博齊代爲將軍

上諭之曰前此將軍副都統與地方官各不
相能自遣瓦岱爲將軍眾志克諧彼此和協
爾當效之瓦岱既至京列議政大臣二十七
年二月

命爲振武將軍統兵赴湖北勦叛賊夏逢龍
等師至黃州僞總兵趙得等出城降黃岡生
員宜畏生以逢龍獻磔於軍前賊平班師三
十年十月

命爲定北將軍率兵出張家口赴圖拉追勦
噶爾丹至克魯倫河偵賊衆遠去乃還三十
一年二月

上允理藩院請於邊外達勒鄂莫瑚爾鄂莫
諸處墾種派內務府各莊屯及八旗諸王莊
屯丁壯往耕

命瓦岱同都統班達爾沙等管理

諭以善爲經營及時廣播油麥大麥糜黍諸
種深耕勤耨俾多收穫十月以督耕不勤田

禾無收部議降一級遂罷任削去雲騎尉尋
卒於家

褚庫列傳

褚庫滿洲廂黃旗人姓薩爾圖氏先世居札
魯特祖相德遷居葉赫

太宗文皇帝天聰五年大兵圍明大凌河褚
庫年十七從征有蒙古驍將徹濟格突陣褚
庫迎擊之生擒以歸尋征明大同攻萬全左
衛褚庫首先登城頸被創猶力戰破其城論

功予騎都尉世職

賜號巴圖魯授佐領兼叅領崇德三年任吏部理事官

世祖章皇帝順治元年隨英親王阿濟格追勦流賊李自成由廣西至湖廣賊將吳伯益以賊眾三千拒戰褚庫率兵擊敗之三年隨肅親王豪格征流賊張猷忠同尙書星訥敗賊將高汝勵等於陝西進師四川復屢敗賊兵六年隨大軍征叛鎮姜瓖圍大同僞總兵

楊振威糾賊犯正紅旂汎地並擾土默特營褚庫連擊卻之賊又犯廂藍旂汎地同護軍叅領瑚葉赴援以步戰敗賊眾賊平還京尋以值宿失印鑰解理事官任仍管佐領兼叅領九年隨都統噶達琿征鄂爾都斯部叛首多爾濟於賀蘭山俘獲甚眾屢遇

恩詔晉世職至二等輕車都尉十三年海賊鄭成功犯福州時鄭親王世子濟度統師至漳州遣副都統阿克善偕褚庫率兵赴援賊

以戰艦二百自烏龍江來犯褚庫率本翼兵登舟奮擊敗之追至大江口獲船十二賊又以千餘眾於江岸迎戰褚庫督兵奮擊斬級二百餘

聖祖仁皇帝康熙二年擢正紅旗蒙古副都統三年敘累次隨征功晉一等輕車都尉七年以年老解副都統任十四年卒賜祭葬如典禮諡襄壯子海存襲世職

哈哈納列傳 子斐洋古附

哈哈納姓那木都祿氏世居東海窩集部

太祖高皇帝時從其父明安圖巴顏來歸編所屬爲二佐領以哈哈納及弟綽和諾分統之隸滿洲廂紅旗妻以宗室女尋從征烏拉身中數鎗仍力戰敗敵復奉

命率本旂兵戍守賽明吉未至其人眾叛逃守將瑪爾圖追弗及哈哈納聞之兼程疾進斬三百餘級收男婦五百餘人而還上嘉其功賜以所得叛渠及鞍馬弓矢等物

天命四年三月明兵四路來犯

上率諸貝勒往征之破明兵於界凡尙間崖及阿卜達理爾時朝鮮遣兵助明亦爲我兵所敗

上遂統師取明開原鉄嶺二城哈哈納俱在事有功六年從征遼陽同副都統博爾晉偵敵於城旁敗其援兵復分攻沙嶺城敗廣寧兵之來援者

太宗文皇帝卽位以哈哈納列十六大臣任

廂紅旗副都統事天聰八年卒兵畧地錦州敗明兵於寧夏進征寧遠遇敵掩襲哈哈納所乘馬傷仆徒步力戰不少却仍擊敗敵往修海州城明人來爭哈哈納率所部首先迎戰敵潰走尋赴援耀州釋其圍追敵渡河獲馬三十崇德元年隨武英郡王阿濟格征明入長城攻克昌平涿州二城尋以傷發病廢致仕哈哈納第三子裴洋古初任佐領

聖祖仁皇帝康熙十三年隨順承郡王勒爾

錦討逆藩吳三桂師至荊州賊將劉之復陶繼智犯宜昌斐洋古隨護軍統領額師泰率舟師橫江逆擊敗之獲其戰艦十七年勦賊將胡國柱於永興慶戰一日夜國柱敗走進攻常寧未陽等處俱率兵前驅十九年授驍騎叅領二十五年改護軍叅領三十五年二月擢廂紅旂漢軍副都統從上征噶爾丹領火器營兵出古北口五月師抵克魯倫河噶爾丹棄廬帳遁斐洋古隨大

將軍馬斯喀率兵窮追至巴顏烏蘭而還三十六年二月卒予祭葬如例

哈占列傳

哈占滿洲正黃旗人先世居葉赫姓伊爾根覺羅哈占由官學生為鴻臚寺贊禮郎累遷吏部員外郎郎中兵部督捕理事官聖祖仁皇帝康熙八年授秘書院學士十一年擢工部侍郎十二年九月授陝西總督甫



之任逆藩吳三桂反四川巡撫羅森提督鄭
蛟麟總兵吳之茂譚宏叛應之與三桂所遣
偽將軍王屏藩等合謀寇陝西

上命都統赫業爲安西將軍護軍統領瑚哩
布爲副將軍同西安將軍瓦爾喀進征四川
詔哈占同巡撫杭愛等運軍餉並甘肅提督
張勇陝西提督王輔臣協力捍禦邊境綏緝
軍民十三年三月

命尙書莫洛經畧陝西凡事與哈占會商而

行哈占以漢中廣元山路險峻奏於略陽水
道造船接運借山西穀二十萬石協濟六月
命貝勒洞鄂爲定西大將軍統轄征四川將
士時興安總兵王懷忠率兵四千隨將軍瓦
爾喀征保寧哈占遣遊擊程福亮率兵防守
興安叛鎮楊來嘉自鄖陽聯結王屏藩等犯
興安福亮擊敗之漁渡路八月莫洛自請領
兵先是貝勒洞鄂由秦州征四川哈占以畧
陽糧艘爲賊所劫餉運難濟入奏

上命四川總督周有德等經理廣元至保寧
輸運

諭哈占飭屬速運廣元相繼毋悞哈占因疏
言陝西官民疲於輓輸請令山西省協助
上曰山西運糧水路則有黃河汾渭之險陸
路道遠勞費尤甚其令戶部發庫銀十五萬
兩遣員賫至西安採辦酌增其直俾民間獲
什一之利樂於輸送自可源源接濟十二月
王輔臣叛於寧羌莫洛遇害貝勒洞鄂由漢

中還西安十四年正月

詔洞鄂征秦州哈占分兵防守蘭州哈占疏
言西安兵少不宜分遣又疏請增兵

上命移荊州兵一千以雲貴總督鄂善率赴
西安旋

諭鄂善移兵守延安哈占復奏留之時同州
遊擊李師膺倡叛殺韓城知縣翟世琪勝神
道嶺營卒聯結蒲城土賊陷延安固原道陳
彭定邊副將朱龍皆以城叛王輔臣踞平涼

其党分踞秦州鞏昌慶陽陷蘭州洮州河州
復阻截棧道陷漢中哈占遣將勦賊於邠州
淳化三水長武漢陰石泉甘泉寶雞諸處屢
奏捷六月貝勒洞鄂復秦州提督張勇復鞏
昌洮州河州寧夏提督陳福復定邊平逆將
軍畢力克圖復延安西寧總兵王進寶復蘭
州

詔趣洞鄂督諸路兵合攻平涼哈占以興安
遊擊王可成叛奏移潼關綠旗兵守商州移

西安蒲洲兵守潼關又以興安叛兵與巴寇
合已陷商州舊縣關逼西安南山羣盜又分
出各口乞

勅貝勒洞鄂將軍畢力克圖等發兵赴西安
應援

上切責之曰始王輔臣叛朕以蘭州爲近邊
要地令哈占發兵鎮守哈占謂西安兵少不
宜分遣致蘭州諸處淪陷嗣以延安爲諸路
要衝命鄂善周有德等駐守哈占又留之西

去致延安陷沒哈占爲封疆大臣遇事不周
詳籌度祇欲重兵自衛貽悞非小今又謂叛
兵與蜀寇合欲諸將分兵赴西安是但知有
西安置各處於度外矣且蜀寇何能卽至西
安因諸將齊赴平涼故爲聲揚欲亂我軍心
分我兵勢耳諸將當益急攻平涼其現駐太
原兵令將軍烏丹率赴潼關防守現駐榆林
之蒙古兵令理藩院員外郎拉篤祜率赴西
安以備勦禦九月哈占疏報慶陽從逆知府

王文紳守備路調鼎等捨僞總兵南一元獻
城投歸十五年

上命大學士圖海代洞鄂爲大將軍攻圍平
涼王輔臣降哈占疏陳安輯降衆復設官屬
等事俱下部議行十七年以失察布政使伊
圖侵蝕採買價值部議革職

詔從寬留任十九年正月將軍趙良棟王進
寶等復成都保寧四川郡邑相繼底定哈占
疏言軍餉由陝西運至保寧應令四川官屬

接運

上以四川初定恐難驟供轉餉

諭哈占卽令陝西運官以畧陽糧艘運至敘
州八月

諭哈占簡本標及綠旗各營精銳率赴保寧
規復雲南貴州十月哈占疏言臣進兵保寧
所需糧餉若以陝省所運支給不足於用請
命四川督餉官盡心經理又言叛賊譚宏彭
時亨等四出剽掠臣自漢中往保寧所統兵

無幾請

敕陝西甘肅巡撫提督撥兵畧陽陽平寧羌
廣元諸要地防守

上俱允所請會侍郎趙璟金鼐奏言陝西轉
餉入蜀運官不知軫恤人民滋困尙書宋德
宜言陝西四川宜以一總督經理庶人民勞
逸可以酌劑均平如是裁四川總督以哈占
爲川陝總督哈占旣至保寧遣總兵高孟勦
彭時亨敗賊眾於南溪羅石橋諸處復營山

縣渠縣哈占尋疏言臣今奉

命爲川陝總督或應領兵進征或駐兩省適中之地調遣策應

諭其速滅譚宏彭時亨卽進攻雲南二十年正月鎮南將軍噶爾罕奏報譚宏已死忠州萬開建始雲陽梁山等縣賊巢俱平高孟追擊彭時亨亦復廣安州達州大竹東鄉等縣詔哈占率所屬兵馳赴敘州會建昌永寧兩路兵進征哈占疏言永寧一路大兵急需糧

餉陝西輸運困難請於永寧瀘州諸處採買支給遂

允所請發西安庫銀六萬兩遣員賫往五月疏言臣兵發永寧由赤水畢節追勦逆賊馬進寶進征雲南兵少力弱請令現駐敘州之固原總兵官王用予爲後應

勅用予卽率兵馳守永寧時湖南廣西大兵俱集雲南合兵圍省城大將軍貝子彰泰以兵多糧少奏言馬進寶旣降賊勢窮蹙大兵

已足用哈占率兵甫至貴州威寧宜令還四
川以節滇餉因

命哈占速駐要地兼顧川陝哈占至曲靖旋
師

詔哈占前此革職處分予開復尋以彭時亨
窮蹙來降敍哈占遣兵追勦功加兵部尙書
銜先是譚宏旣死其党偽總兵牟一乾牟一
舉率眾赴遵義降於提督周卜世軍散處巴
縣涪州至是哈占疏言一乾等素習奸狡若

仍留舊地恐復爲患請移之陝西懦弱者歸
農強壯者分營効用

上嘉所奏協宜如請行又言慶陽協所轄之
潼關商州神道嶺金鎖關四營距慶陽道遠
應歸固原鎮統轄富平營分防六縣汎廣兵
單應於郿縣營分兵百名增隸疏下部議從
之二十二年授兵部尙書二十四年四月調
禮部尙書十二月以疾乞休自述前此當羣
逆作亂捐軀思效晝夜拮据者十年積勞成

病得

自哈占前任川陝總督值大兵進征雲南屢奉旨催促始隨他人之後前往未曾立功乃妄稱捐軀思效晝夜拮据著嚴行申飭仍殫力供職以贖前愆二十五年八月卒年五十有五

素丹列傳

素丹滿洲正黃旗人姓富察氏三等男斐雅斯哈之子也

聖祖仁皇帝康熙十一年素丹襲父爵授護軍叅領二十九年隨裕親王福全擊敗噶爾丹於烏蘭布通中箭傷三十一年奉命隨安北將軍郎坦勘視寧夏延綏西寧邊界明年擢護軍統領

詔同都統希福統師駐大同預備征調三十二年郎坦擒獲哈密回人之輸稅厄魯特者訊知噶爾丹所在請發兵進剿

上命素丹赴軍前會議尋奏言噶爾丹自烏

蘭布通敗遁馬畜亡失部衆貧乏遷徙靡常
以得所遊牧爲幸必不敢復擾我邊疆可暫
緩進勦其納稅厄魯特之哈密回人並請釋
歸曉諭其酋以示懷畏意尋又以甘涼二府
乏糧請移駐防兵於寧夏蘭州奏入皆從之
三十五年二月

上親征噶爾丹由中路進師
詔素丹率增發兵赴西路與撫遠大將軍費
揚古刻期並進尋

召赴行在統前鋒兵爲嚮導視沿途所鑿井
五月

上至克魯倫河素丹上言噶爾丹懾我軍威
勢將奔竄請

上稍緩進征俟西路軍夾擊

上從之噶爾丹果遁走爲西路軍擊敗師還
以扈從勞

賜內廐馬一三十七年改授前鋒統領四十
年以疾解任

世宗憲皇帝雍正元年六月
賞銀一千兩仍

命以原銜往甘肅軍營効力時青海羅卜藏
丹津逞逆

詔撫遠大將軍年羹堯帥師討之素丹參贊
軍事二年正月西寧東北郭隆寺喇嘛爲羅
卜藏丹津所誘聚衆叛素丹與提督岳鍾琪
統兵進勦賊衆于哈拉濟滿我軍奮擊斬賊
三千燬寨十乘夜追擊發賊山谷伏兵三千

盡薙之四月授正黃旗蒙古都統兼署固原
提督十一月授寧夏將軍三年改正紅旗滿
洲都統列議政大臣駐守陝西七年四月大
軍征準噶爾素丹奉

詔率西安滿洲兵一千赴涼州策應七月卒
於軍年七十有二

賜祭葬如典禮謚勤僖先是康熙四十年素
丹有疾所襲父爵以長子素圖襲及雍正五
年敘平青海功授素丹三等輕車都尉世職

以次子素章阿襲素圖自有傳

都爾瑪列傳

都爾瑪姓西納明安氏先世居落喇沁地
太祖高皇帝時來歸隸蒙古廂黃旗
太宗文皇帝天聰二年五月隨貝勒岳託征
明錦州有俘獲五年八月大軍圍大凌河城
城內敵兵突出都爾瑪隨本旗都統圖爾格
奮勇迎擊敗之八年八月隨內大臣額駙多
爾濟等征明大同擊敗明總兵曹文詔追至

城下俘獲甚衆

賜號巴圖魯尋授佐領崇德六年大兵圍錦
州明總督洪承疇率衆赴援列營松山我師
分左右翼截擊都爾瑪先衆破敵營屢追擊
其潰衆於杏山塔山間斬級數十復隨內大
臣錫翰設伏高橋襲擊明總兵吳三桂王樸
等斬獲無算遂圍松山城城中兵有潰圍出
者突入我營都爾瑪同錫翰於壕邊力戰敗
之敘功予三等輕車都尉世職順治二年二

月

世祖章皇帝以都爾瑪素荷

太宗眷顧晉爵三等男七年九月疊遇

恩詔晉爵至二等子尋授內大臣康熙三年

三月卒

賜祭葬如典禮諡忠直子沙濟仕至內大臣

孫齊什襲職

伊桑阿列傳

伊桑阿滿洲正黃旗人先世居瓦爾喀姓伊

爾根覺羅氏順治九年進士由禮部六品筆
帖式授主事

聖祖仁皇帝康熙三年授票本員外郎七年

授刑部郎中十二年八月遷內閣侍讀學士

十月擢內閣學士明年十二月充

經筵講官十四年十一月擢禮部右侍郎尋

調戶部右侍郎十五年十月

命同工部尚書冀如錫往視淮揚等處河工

十六年四月轉戶部左侍郎尋擢工部尚書

八月調戶部尙書時逆藩吳三桂踞湖南文
詔製烏船沙船由岳州入洞庭橫亘湖中以
斷賊糧道因

勅伊桑阿赴江南督造明年復偕刑部侍郎
禪塔海赴茶陵督造戰艦二十一年淮黃潰
失

勅伊桑阿往勘兼籌海運事宜伊桑阿疏言
黃河運道非獨輸輓
天庾卽商賈百貨賴以通達

國家在所必治若海運先需造船所費不貲
且膠萊諸河淤塞已久開通匪易似屬難行
上是其言是年冬俄羅斯犯邊伊桑阿奏
命往寧古塔督修戰船明年六月調吏部尙
書二十三年四月旱

命同大學士王熙等清理刑部繫囚九月扈
蹕南巡奉

諭閱視海口伊桑阿疏言車路串塲諸河及
白駒丁溪草堰諸口宜

勅河臣靳輔詳闕地勢挑濬深澗使高郵諸
州縣減水垣運河水口引流入海
上以靳輔督理黃河隄岸勢難兼顧海口
命安徽按察使于成龍分董其事二十四年
五月調兵部尙書明年轉禮部尙書二十七
年授文華殿大學士兼吏部尙書尋充纂修
三朝國史總裁官三十五年三月
命兼管兵部尙書事六月以臺站馬匹多弊
部臣不預嚴飭又不効奏部議伊桑阿應革

職得

自從寬降三級留任三十六年

上親征噶爾丹

命伊桑阿往寧夏安設驛站尋同大學士阿
蘭泰充平定朔漠方畧總裁官三十七年以
年老乞休

上諭阿蘭泰曰伊桑阿厚重老成宣力年久
爾二人自任閣務以來凡事推誠布公不惟
朕知之天下無不知者伊桑阿雖以年老求

罷朕不忍令去也四十一年復以疾乞休得旨卿品行端凝才識敏練勤勞歲久倚毗正殷今以老病乞休情詞懇切准以原官致仕仍著加意調攝以副朕篤念老臣至意四十二年七月卒年六十有六遺疏上得旨伊桑阿歷練老成効力年久簡任機務鎮靜和平寔心任職自請告以來尙期優游頤養長享昇平用副眷注忽聞溘逝朕心深爲軫悼下部議卹

賜祭葬如典禮諡文端

今上乾隆十二年同大學士馬齊入祀賢良祠

范承謨列傳

范承謨漢軍廂黃旗人大學士范文程第二子也初任侍衛順治八年更定入旗漢軍考試之例承謨中式舉人明年成進士選庶吉士授宏文院編修十二年遷秘書院侍讀學士十八年

聖祖仁皇帝御極擢國史院學士康熙三年

以疾乞假尋補秘書院學士教習庶吉士充

纂修

世祖章皇帝寔錄副總裁官七年授浙江巡

撫九年杭州嘉興湖州紹興諸府被水承謨

奏貸藩庫銀八萬兩糴米湖廣以平糶應徵

漕米請每石折銀一兩於明年麥熟後徵解

其白糧分三年帶徵被災重者如例蠲免並

符

天監三年

國史院

